

武備志二

戎事

成劫運者人也亦天也挽劫運者天也實人也至劫運已成而蹂躪我疆土虔劉我人民則必待智勇者出其閒而後能規復之掃除而更張之此其中亦有天焉不至其時上智或不能成功至其時中材或可收效然所恃者則此忠勇者之一心耳否則不跋扈即攜貳矣其事安有濟邪普洱未入版圖以前不過蠻觸之鬪無足以紀咸同之閒大戾疊乘茲撮其用

普洱府志稿

卷之二十八

武備志二

戎事一

兵之始末與夫謀略之臧否以著于編亦當代得失之林也

元

大德元年八月甲子八百媳婦叛寇徹里遣額森布哈

將兵討之

成宗本紀下同

按八百媳婦國在普洱府邊外即孟良整欠孟勇大孟養一帶

四年十二月癸巳遣劉深哈喇岱鄭祐將兵二萬人征

八百媳婦

自元年至六年皆不克

元史陳天祥傳上章論征西南夷事曰兵有不得已而不得已者惟能得已則已可使兵力永強以備不得已而深遠征八百媳婦國此乃得已而不已之兵也彼無用之地人皆頑愚無知取之不足以爲利不取不

足以爲害深欺上罔下帥兵伐之經過八番縱橫自
恣恃其威力虐害居民中途變生所在皆叛深既不
能制亂反爲亂眾所制軍中乏糧人自相食計窮勢
蹙倉皇退走走土兵隨擊以致大敗深棄眾奔逃僅以
身免喪兵八十八九棄地千餘里朝廷再發陝西河南
江西湖廣四省諸軍使劉二霸都總督以圖收復叛
地湖北湖南大起丁夫運送軍糧至播州交納其正
夫與擔負自己糧食者通計二十餘萬正當農時與
此大役驅愁苦之人往迴數千里中何事不有或所
負之米盡到固爲幸矣然數萬之軍止仰今次一運
之米自西南遠夷之地重山復嶺陡澗深林竹木叢茂
頗知西南遠夷徑路在於其間窄處僅容一人一騎
皆如登天刺軍行徑路在於其間窄處僅容一人一騎
上如登天刺軍行徑路在於其間窄處僅容一人一騎
施爲也又其毒霧煙瘴之氣皆能傷人羣蠻既知大
軍將至若皆清野遠遁阻其要害以老我師或進不
得前傍無所掠士卒饑餒且自征伐倭國占城交趾瓜
哇勢不可不爲深慮也且自征伐倭國占城交趾瓜
哇計其所以來近三十年未嘗見有尺地一民內屬之
益計其所費錢財死損軍數可勝言哉去歲西征及

普洱府志稿 卷之二十八 武備志二 戎事二

今此舉亦復何異前鑑不遠非難見也軍勞民擾未
見休期只深一人是其禍本又聞八番羅國之人向
爲西征之軍擾害損棄生業相繼逃叛怨深於骨髓
皆欲得其肉而分食之人心皆惡天意亦憎惟須上
承天意下順人心早正深之罪續下明詔示彼一方
以聖朝數十年撫養之恩仍諭自今再無遠征之役
以此招之自有相續歸順之日使其官民上下皆知
未須遠勞王師與區區小醜爭一旦之勝負也不報
遂謝病去

六年二月罷征八百媳婦右丞劉深等官收其符印驛
券

七年三月以征八百媳婦喪師誅劉深答哈喇岱鄭祐
元史哈喇哈斯傳大德五年同列有以雲南行省右
丞劉深計倡議曰世祖以神武一海內功蓋萬世今
上嗣大厯服未請往征之哈喇哈斯曰西南夷有八百媳
婦國未奉正朔請往征之哈喇哈斯曰西南夷有八百媳

絕萬里可諭之使來不足以煩中國不聽竟發兵二萬命深將以往道出湖廣民疲於餽餽及次順元深脅蛇節求金三千兩馬三千匹蛇節民不堪舉兵圍深於窮谷因首尾不能相救事聞遣平章劉國傑往援擒蛇節斬中軍然士卒存者纔十一二轉饒者亦如之迄無成功帝始悔不用其言會赦有司議釋深罪哈喇哈斯曰邀名首饜喪師辱國非常罪比不誅無以謝天下奏誅之又董士選傳時丞相鄂勒哲用劉深言出師征八百媳婦國遠冒煙瘴及至未戰士卒死者十已七八驅民轉粟饑軍裕谷之間不容舟車必擔負以達一夫致粟八斗率數人佐之凡數十曰乃至由是民死者亦數十萬中外騷然鄂勒哲說帝江南之地盡世祖所取陛下不與此役則無功可見於後世帝入其言用兵意甚堅固無敢諫者士選率同列言之奏事殿中畢同列皆起士選乃獨言今劉深出師以有用之民而取無用之地就令當取亦必遣使諭之諭之不從然後聚糧選兵視時而動豈得輕用一人妄言而致百萬生靈於死地帝色變士選猶明辨不止侍從皆為之戰慄帝曰事已成卿無復言士選曰以言受罪臣之所當他日以不言罪臣

普洱府志稿

卷之二十八

武備志二

戎事三

臣死無益帝麾之起左右擁之以出未數月帝聞師敗績慨然曰董二哥之言驗矣吾甚愧之因賜上尊以旌直言始為罷兵誅劉深等

明

洪武十五年沐英平滇二月車里麼些和泥平緬皆降

高岱洪猷錄

永樂元年車里酋刀暹荅入寇劫威遠知州刀算黨西

平侯沐晟請討之上命先行撫諭暹荅悔懼歸州官

貢方物謝罪釋之

倪蛻滇雲歷年傳

正統二年他郎甸蠻叛都督沐昂討平之

明史土司傳

七年兵部尚書王驥破麓川宣慰思任發元江同知杜

凱亦率車里及大侯蠻兵五萬招降孟連長官司并
攻破烏木弄戛邦等寨思任發從閒道渡江奔孟養
英宗前紀及土司傳按思任發自元年叛侵孟定南甸金齒等處至是雖屢破任發猶未就俘及八年復命平蠻將軍蔣貴王貴再征任發并子機發仍不克十一年緬人始以任發及其妻孥獻而其子機發
卜發終未獲惟立石金沙以為界

萬曆十一年緬酋莽應裏糾隴川賊岳鳳寇順甯巡撫

劉世曾巡按董裕會疏請兵五千赴援應裏亦西會

緬甸孟養等處兵于猛卯東會車里八百孟良木邦

兵于猛炎馮魁滇繫

十二年二月遊擊劉挺盟諸夷於威遠營以隴川平馳

普洱府志稿

卷之二十八

武備志二

戎事

四

露布以聞倪蛻滇雲歷年傳

國朝

雍正元年冬十月魯魁土賊方景明普有才等聚眾攻

殺裸目施和尚圍元江府參議李衛移會臨元鎮總

兵楊天縱赴勦時總督高其倬亦遣遊擊李化龍率

兵協應景明等逃入方四陳哈巴塞內因招諭之景

明方四等出降

魯魁賊種方景明居結白與裸目施和尚有夙仇時思報復普有才在新

平揚武壩住最桀黠每與景明主謀欲殺施和尚和尚懼攜家入元江城以知府張家穎素待之厚故倚以為庇及景明等圍城急守城兵少又器械不全經歷張元佐登城諭賊令退不從攻益急副將吳開圻無奈竟將施和尚家屬驅之出城賊殘殺分虜而去李道聞之大憤即移會臨元鎮楊發兵而高督亦

普洱府志稿

卷之二十八

武備志二

戎事五

二年逸賊普有才逃入困監箐復糾裸夷劫掠茶山一

帶參將張應宗率官兵追擊陳哈巴自刎死并斬其

子阿斑有才遁獲其妻子總督高其倬奏革直隸威

遠州土官設撫夷清饒同知先是方景明圍元江實

出降有才逃遁無踪緝緝不獲於時知州劉宏度遊

擊楊國華在威經理井務土官刀光煥接見謂有才

云此犯或逃入緬人亦時有往緬者我土官不敢多

事若有一檄見及便可以專屬密查等語宏度等意

光煥必將有才先匿後縱故知其緬籍而且以圖功

也因即以知情藏匿罪人參革解省并籍其家於是

始裁威遠土州設撫夷清饒同知即以劉宏度為之
後刀光煥奉旨安置江西而有才終不獲也總
督高其倬奏畧臣嚴檄威遠土州鎮沅土府令將普
有才查拏解送又令元江文武招諭陳哈巴令其速
行投出陳哈巴竟不肯出官兵克土夏陳哈巴逃入
里仙投出陳哈巴竟不肯出官兵克土夏陳哈巴逃入

遣官軍至時賊已久去矣及遣人招撫方景明方四

出降普有才陳哈巴俱逃總督高其倬奏畧魯魁一

山接壤哀牢各種夷人甚多四出索保頭錢楊方普

李四姓為其頭目昔康熙二十七年賊首楊宗周等

投誠彼時雖稍有約束此後伊等之子孫分居各寨

分地討保亦不聽土官約束本年十月方從化後人

方景明夥同普阿黑普有才李三斤普白賒方四李

篋巴各率裸夷將元江裸目施和尚竝伊姪施糯片

之寨房焚燒將施和尚殺死臣遣遊擊李化龍守備

楊洪緒帶兵三百名土縣丞楊世恩帶土兵三百名

隨李化龍等由新平進遊擊南天章守備曹士貴張

雄帶兵四百名土兵二百名由元江進十一月月初二

日克黑白苴阿古竜暮弄普計岡舍子竜五寨景明

等逃入深箐拏獲通賊裸目方盛明普阿路而方景

明逃至土夏裸目陳哈巴塞內新任臨元鎮總兵楊

天縱遣員帶兵由思陀司入斷其要路方景明方四

普白賒李篋巴至元江投誠普阿黑李三斤尙遠巡

元江營遊擊徐成正招諭方景明令普阿黑共帶裸

夷三百三十六名來投惟陳哈巴潛匿未出普有才

帶三十餘人逃至鎮沅土府威遠土州地方云云

普洱府志稿

卷之二十八

武備志二

戎事

六

禦夷六七百人往車里宣慰司所屬茶山一帶搶掠
 守備魏翥國帶兵三百名前往勦捕把總唐人起運帶
 兵四十名到竜得地方陳哈巴等六七百人恃眾來
 犯官兵殺賊一百餘人擒殺賊目老常期與等賊眾逃散
 方殺和尚之姪膩勒糯片帶土兵擒獲陳哈巴之弟二
 瘋子普有才由鎮沅逃入威遠土州地方土知州刀
 光煥隱匿不報臣細加籌度野賊魯魁以為連逃之急
 數而隔江又有哀牢一山深遠數倍魯魁野賊事急
 逃入魯魁山又急逃入哀牢山各州縣營汛環其二三
 面其西南則威遠土州鎮沅土府及車里宣慰司之
 地而威遠尤當衝要賊人有事每從土司地而逃出
 土司護庇藏匿縱出境外煙瘴之地即如陳哈巴之
 逃匿鎮沅土府車里宣慰任其境內行走威遠土知
 州刀光煥又與普有才結為父子諸子結為兄弟將
 普有才藏匿其地臣查雲南形勢亦必於哀牢西南
 安住官兵則野賊巢穴四面皆成內地請先將威遠
 土州改土歸流臣與布政使李衛密商遣守備楊國
 華選壯兵三十名稽查普有才為名以先至威遠又
 令千總朱仲玉把總周元勳各帶兵三十名從新崑

元江二路作奉本營將官遣其遊巡在威遠會哨令
 楚姚臨元二鎮遣守備離威遠一日之程協應楊國
 華至威遠見土州已有防備乘所調之人未齊即將
 刀光煥及四子三弟擒擊守備李鳳等將普有才母
 妻家人緝獲普有才攜幼子逃入外夷之地陳哈巴
 率眾逃入蠻先小寨兵練於八月二十二日追殺賊
 眾陳哈巴身中一鎗自刎普有才在二圈地方攜幼
 子逃去復於慢朋地方其子阿黑勒及隨從之賊俱
 被土人殺死普有才止存隻身時野賊頭目三脫
 賸率領十二人在元江投出野賊根株已除云云

六年春正月鎮沅夷民刀如珍等作亂殺署府事威遠
 同知劉宏度總督鄂爾泰遣副將張應宗討誅之鎮

土司刀瀚被革委宏度署府事夷民既苦漢法繁重
 宏度又方信用頗張私智謂歸流新府田土宜清故
 山脈水滋寸寸而丈量之且論三月為期照畝上價
 踰限不上入官變賣且不時飭僕隸沿村索賄折貼
 水火夫錢供應上下夷民激憤思變冬月內於深林
 中歃血訂盟有楚人知之密首宏度以為妄逐之其

普洱府志稿

卷之二十八

武備志二

戎事七

人復言又予之杖既而令各役於封印後習練鏢弩俟開印閱操正月月初閒運軍器於府內外者不少俱以府操為名十七日初夜宏度方與親友談忽有人叩宅門闖者側戶扇問之言未畢而揮刀殺之矣外詳甚火光四起宏度急滅燈而賊已入無少長盡殺之惟留厨人一名蓋凡遇夷人送供應來者每憐而飲食之賊識其恩故得不死且導之行時宏度逃入馬廐傍之梅樹下明日賊登屋見之呼其黨曰老劉在矣乃相率往擒擁立堂中取其懷印而擊扑之剖其心肝而炙食之乃歛署內數十屍為一處焚於後園舉宏度屍曰官也以兩棹合而焚之署外亦焚數十屍蓋防兵數魚肉夷眾者殺死幾盡有兵丁王德遠之妻張氏義不受辱抱三歲兒赴火死時守備張以查汛外出把總何遇奇為賊所執并官王廷柏遊擊楊國華俱奔景東飛報至省總督鄂爾泰即遣副將張應宗率兵往討刀瀚之母命孫刀輔宸齎印迎接於軍前兵至鎮沅賊首刀如珍等皆言仇憤已洩情願受縛就誅張應宗擒獲百餘人解省有言威遠人懼黑同謀為變乃復遣總兵孫洪本往征之威遠人懼匿箐洪本發礮火擊殺數千人洪本旋即抱病死事

聞贈卹宏度戮刀如珍等於市總督鄂爾泰奏畧六年正月鎮沅夷裸鼓譟十七日四更聚眾數百人將衙門放火焚燬威遠同知劉宏度被害臣調元江協副將張應宗新嘗營參將曹登雲景蒙營參將李登科領兵前往據普威營把總何遇奇報據鎮沅各夷訴鎮沅自雍正四年六月改土歸流百姓悅服不意劉太爺縱家人踢打眾民苛索銀兩今日要草料明日要柴薪每日謝銀四五錢不等哀求方罷故此我們急了纔將衙門焚燒等情又參革土府刀瀚族舍刀西明等糾合裸黑共千餘人放火劫殺又余老二供同夥夷人五百窩泥四百裸黑三百大頭裸黑二百供同夥夷人五百窩泥四百裸黑三百大頭周猓羅黃庄張把總原說到鎮沅要從者樂出景東去等語元江副將張應宗由他郡界牌中路直衝其前新嘗營官兵由哀牢者樂橫搗其左景蒙官兵出景谷至抱母斷其後普威官兵於威遠各井分禦其右二月十四日會同進勦直抵舊府眾賊逃散惟革職土府之子刀輔宸領夷目刀沛等出迎各投繳印信關防要犯已獲者共五千名旋獲首犯刀如珍陶正紀等六名招回夷民三千餘戶五月初十日具奏

臣將解到各犯分別審擬外即於四月二十六日恭請王命旗牌提首犯刀如珍刀廷貴陶波公刀西明刀西侯陶國貴等六名押赴市曹先行處斬

威遠猓夷黑老胖等結連鎮沅餘賊肆掠鄉村焚燒鹽

倉總督鄂爾泰檄參將邱名揚率兵追勦擒斬三百

人招撫千餘戶遂平之

舊志

茶山莽芝夷人蔭布朋等為變總督鄂爾泰遣副將張

又應宗參將邱名揚率兵討之

通志莽芝山辦茶商販至此往往往舍於茶戶之

家有江西客與蔭布朋之妻通事露蔭布朋殺之割其髮辮以示諸商於是諸商以被盜劫殺控且言是檄欖壩土舍刀正彥指使因正彥素有富名遂謂其由於盜也故議并捕之張應宗聞其事由初於正彥無與遂具相機勦捕一稟而與決意進勦原議不符幾陷叵測已而得解兵至莽芝布朋逃匿慢了諸寨

普洱府志稿

卷之二十八

武備志二

戎事

八

守備李定海追捕至倚邦攸樂及江內各山夷人聚眾進圍官軍定海連戰兩晝夜退至漫岡賊自山箐衝截把總王朝選被害明年三月始布朋諸寨皆平刀正彥車里宣慰司刀金寶之叔也訛傳其欲專世襲且主使窩泥聞捕甚急遂逃逃出九龍江外邱名揚遣遊擊雷應萬赴檄欖壩各處搜緝明年於猛獵獲擒解省與布朋并案論死

檄欖壩夷酋李阿先為變焚燒汎房兵民驚散提督

郝玉麟親往撫平之

刀正彥之被擒其罪未明而所設汎兵不無侵擾故阿先等復

起為變燒燬營房戍兵皆逃夷民亦皆駭散適提督郝玉麟在省聞報議欲提兵親往總督鄂爾泰曰小寇不足煩大帥玉麟曰茶山之民驚於風鶴渺此子遺豈有他變吾知不靖者惟李阿先幾人耳然亦烏知其不有以激之使然也若遣將弁恐致殘民冒功乃親率精壯三百餘名而往既至知首犯已伏冥誅即下令宥諸為從者又聞汎兵及夷民俱逃住南掌地方乃以所存房屋逐一驗封識一戶自為一

籍記之遣檄南掌國招之兵民間風靡集各認其舊
居至有不失七著者收撫夷民凡一萬二千三百戶
有奇為男女數萬餘口事
聞上
舊志
偉其功績擢為兩廣總督

十年閏五月茶山土千戶刀興國叛署總督高其倬調

兵征之是時雖於攸樂設同知恩茅設通判而鞭長

派則頤氣行事唯唯百諾靡反唇也兵差絡繹於途

而總兵李宗應方巡邊責供曰甚繁而民苦之知府

免世廕復欲過山聚糧三月遂召興國而告之興國

夷人例不肯賣鬻兒女茶又歸官借貨路絕惟牯牛

圈豕以為貢獻之地耳世廕不然而斥逐之悍僕碎

其胡牀而起顧冠冠已擲之外欲就胡牀坐門卒踢

去之興國乃大怒號其補服曰死耳弗用此為科頭

跌足上馬徑行感慨號眾而盟仍約弗劫庫勿破城

垣但以得殺二人為徇無他望也時李宗應已奉

旨降為參將仍請委署督標副將事知府佟世廕

又提陞督糧道因相率聯鑣上省圖掩激變跡及興

普洱府志稿

卷之二十八

武備志二

戎事

九

國率眾到普宗應世廕已行多日矣乃於路遇解火
藥弁兵劫之且圍思茅城通判朱繡被囚經三四月
兵不出戰賊不進攻以是各無傷也署總督高其倬
聞報派調迤東官兵三千二百名迤西官兵八百名
進勦興國解思茅圍至攸樂劫營不勝而回聞提督
兵至入山避匿賊黨悉力伐茶樹塞鹽井而逃舊志

秋七月提督蔡成貴白大理統兵往茶山勦賊擒刀興

國斬之總督高其倬奏署雍正十年閏五月二十二

日據護普洱鎮副將李宗應稟思茅地方有

苦葱前往蠻壩河拜一緬僧稱為神仙遊擊朱仲玉

遣守備燕鳴春帶兵前往巡查六月神月初三日據遊擊

朱仲玉稟思茅土千總刀輔國稟閏五月初二日土

弁查思屬蠻壩河蝙蝠洞離思城二百餘里有苦葱
聚眾朝賀神諭令速散苦葱不惟不遵聲言要殺
到思茅當遣守備燕鳴春初八日夜由普城前赴思
茅初九日早辰官兵下畢班鳩坡後有牌解火藥兵
十五名下至半坡一羣苦葱突出打死兵丁二名我
兵亦槍斃苦葱五人餘俱逃散已刻抵思茅城夜同
通判朱繡帶兵一百名至柏枝樹天明見賊伏箐中

普洱府志稿

卷之二十八

武備志二

戎事十

令放槍礮賊中傷竄逃十一日遣兵練遊巡至坡頭
 有苦葱數十截路各路均皆阻截嘯聚之處係刀興
 國堂弟刀三所住地方苦葱係興國管下夷民遍傳
 木刻勾通茶山江壩威遠等處十六日賊千餘眾圍
 客民五人燒蠻澗民房五間十七日賊千餘眾圍
 城直攻南門十八日又圍攻西門獲刀輔國送信家
 人阿林供與國盤踞輔國家內自稱要倣王爺埋伏
 五六百人要攻北門等語臣聞報時調迤東臨安鎮
 官兵六百名令副將李宗應遊擊王先韓震鵬帶領由
 元江進勦又調景蒙營官兵一百名由鎮沅威遠赴
 普洱會勦又派督撫兩標兵四百名開化鎮兵三百
 名令臨安鎮總兵董芳總統各路官由元江進勦又
 咨提臣蔡成貴派迤西兵數百名由景東直抵思茅
 兼顧鎮沅威遠各處又調曲尋鎮官兵四百名廣羅
 協武定營官兵各二百名奇兵營官兵二百名
 尋霑營官兵五百名武定府土兵二百名其迤東官
 兵共三千二百名土兵四百名由元江一路聽總兵
 董芳調遣提臣蔡成貴統提標兵五百名楚姚鎮兵
 二百名景蒙兵一百名由景東進勦又據元江府知

府祝宏稟有委署試用之章倫在攸樂協修城垣不
 知賊人謀叛回至思茅相近之慢蚌村地方夷突
 出圍之從役被害章倫正坐罵賊而死總兵董芳於
 七月月初七日自把邊江前進十二日抵普洱副將李
 宗應亦於是日到普守備鄧之姜雲初十日到普賊
 退遁猛先回竜十四日副將李宗應遊擊王先陳上
 志帶兵一千五百名進至攸樂安撫九龍江橄欖壩
 一帶未從賊之處慢蚌村係殺章倫地方宜痛加勦
 洗派遊擊韓雲鵬由南水箐進遊擊王先由磨黑前
 往猛先進擊韓雲鵬在猛先會合二十日前赴整岡分
 兵圍攻回竜賊巢令守備燕鳴春至倚象猛茄土把
 總召第至整董堵截後路提督蔡成貴已於卡地
 到新撫八月初三日報賊首刀與國已於卡地
 被遊擊區明擒獲興國用刀抹頸不致傷命又於南
 掌界挈獲興國幼弟經國於那弄箐拏獲興國弟
 刀老五刀老六及妻妹家人共十三名其同謀之召
 榮等尚未就獲遊擊陳上志搜至圈羅擒獲賊黨胡
 尚文及伊弟並妻子等又招出蠻童刀老男女大小共
 八十三名口至整控擒獲興國家人蠻童刀老三供刀
 逃往六順地方遊擊王先帶兵過蠻馬河關舖關坪

板角等處殺賊甚多十九日到攸樂二十一日同守
備張接天由攸樂至車里宣慰之地王先遣把總李
燦齋示及告宣慰公文前往招撫有土干總刀細悶
納來江口迎接宣慰司刀紹文稱伊身子幼弱土目或
勾同叛或推延不聽調遣伊母子不從煽惑惟土干
總刀細悶納盡心固守懇求官兵江邊住劄以為聲
援令守備張接天駐九龍江彈壓興國之兄定國被
守備李萬鵬拏獲即將各賊梟首示眾茶山遂平
署總督高其倬查明激變刀興國之由遂參奏署普
洱鎮總兵李宗應普洱府知府佟世廕奉

旨革職拏問

時署攸樂同知郭倫被瘴給假在郡具文
令親兄齋赴省城通報世廕偵知留其文

曰我為代投可也竟匿不以聞既而高督知之問其
故答曰已遣役分投甫出門失足墮菜海子文書被
水浸破爛不堪俟另取到再投耳高督嘆曰文官愛
錢不怕死武官怕死又愛錢雲南豈能太平乎遂飛
章參奏激變之由宗應被革後患頸瘡大如斗日令
人以棒槍搥數千下始快不逾時又須搥以如是兩
月而死世廕擬以匿毀官文書干
礙軍機罪坐絞監候卒斃於獄

普洱府志稿

卷之二十八

武備志二

戎事七

六月元江土蠻白窩泥勾通擺夷苦葱聚眾千餘人附

和為叛劫殺他郎甸土民殆盡元江知府祝宏飛報

至省總督高其倬調臨元鎮總兵董芳勦之元江有

泥二種白者賤漢人欺之益甚至乘釁作亂殺田
主汎兵無一免者酬夙憤也董芳至駐元江與知府
祝宏不和被此交譖而宏自請為總統高督破例從
之然宏非經濟才後雖以薦陞糧道卒用此敗論死

府祝宏遊擊李定海稟閏五月初十日據元江府知
陳天申報二十八日有通關大寨擺夷被苦葱勾通
聚眾附和於通關廟邊箐內每人頭帶樹葉一枝為
號將把邊塘房燒燬塘兵奔走六月初一日守備馬
漢助把總康天錫奉委帶官兵一百五十五名土練
百名馳赴他郎擺夷已過阿墨江初三日他郎地
賊分三股每路約有四五百人守備馬漢助戰賊

退聚四山元江善政德化惠遠定南四里夷民亦有
附從賊眾二千有餘初四日復來攻營把總康天錫
領兵深入守備馬漢勛令千總黃有仁接應黃有仁
遇賊退縮致康天錫陷陣身死有仁勸漢勛退走漢
勛不從初六日賊眾復圍漢勛行營正在對敵黃有
仁用刀自砍守營之兵衝入賊營賊乘勢衝出馬漢
勛退保莫浪經新營營官兵一百并土弁施糯利土
兵五百前來奮力勦殺賊眾退散兵回他郎即將黃
有仁斬首遂平

乾隆二十八年癸未十一月莽緬賊寇猛籠普洱鎮總

兵劉德成領軍至九龍江堵禦通志時緬酋甕藉牙

諸土司景線整賣孟良整欠皆被脅從復言普洱十
三版納原隸緬甸責其貢賦至打樂隘口猛遮土司
率練禦之時木邦降于緬助之擾邊遂犯猛籠猛籠
不能禦土并刀乃占等被害普洱鎮總兵劉德成領
軍赴九龍江堵禦總督吳達善調元江
土練未至次年春莽紀覺死緬賊乃退

普洱府志稿 卷之二十八 武備志二 戎事 三

三十年乙酉緬賊寇孟良執土司召孟容以去時提督

達啟閱邊駐思茅飛咨至省總督劉藻檄大理順甯

營兵七千進勦師久無功

三十一年正月

上命陝甘總督楊應琚調任雲南來普視師降劉藻湖

北巡撫繼革職提督達啟亦革職以李勳代

三月乙亥應琚至雲南楚姚鎮總兵華封已平打樂猛

臘參將哈國興已平大猛養合勦孟良召散遁官軍

得其城而劉德成與達啟及副將孫爾桂攻整欠亦

克之應琚至普洱以捷

聞請賞召丙以先身職仍留兵戍守普洱邊外遂平
四月總督楊應琚既綏定普洱回會城赴永昌府駐劄
檄緬速降

秋七月撤整欠兵六百名猛撒兵二百名九月將孟良
整撤兵全撤留楚姚總兵華封普洱總兵甯珠駐普
洱

十二月緬賊復入寇

三十一年春正月緬賊至景海景線時楚姚鎮華封駐
劄普洱鎮珠甯遣將官率兵禦之二月緬賊犯打樂
官軍失機把總韓榮死之

普洱府志稿

卷之二十八

武備志二

戎事

三

江蘇按察使楊重英偕雲南巡撫湯聘至普洱因劾
奏華封甯珠失勦禦請革職定罪奏入奉

旨華封甯珠與遊擊權恕司邦直都司甘其卓皆被逮
調開化鎮總兵書敏爲總統進勦

巡撫鄂甯至普洱府參奏湯聘兵機不實懷詐塞責
遂革職逮治

又奏應琚貪功啟釁狀未幾逮問以鄂甯署總督

五月總督明瑞至省劾奏應琚欺誑之罪并劾李時升
朱崙劉德成烏爾登額趙宏榜罪法司論死六月應
琚逮至

避暑山莊令自裁

總督明瑞統滿州兵三千調川廣滇貴兵二萬餘大舉

征緬

六月癸巳召工召教召淵率賊眾二三千人由整欠侵

猛彝

孫士毅綏緬紀畧召工既附緬賊整欠之召教

也務殺叭先捧以洩其忿六月癸巳召工召教召淵率賊眾二三千至猛彝叭先捧與之力戰經旬線响寨景海召罕彪集練助之糧竭火器俱無夷民困餓難支丙午猛彝遂陷叭先捧遁入茶山之蔓了寨响賽召罕彪等竄入內地是時開化鎮總兵書敏駐劄小猛崙

秋七月召工入犯茨通書敏退至倚邦旋病故普洱鎮

總兵德保駐九龍江聞賊警趣土司刀紹至付以軍

普洱府志稿

卷之二十八

武備志二

戎事 古

實自取小路走回至思茅越六七日賊人始至江上

燒村砦而去事

聞逮至京師論斬

署普洱鎮總兵七十一昭通鎮總兵佟國英領兵禦賊

孫士毅綏緬紀畧飭署普洱鎮七十一昭通鎮佟國英率兵公駐小猛養補角凡外投誠之難民寄居各猛者俱行賑恤

九月諸路兵皆至永昌馬牛俱集甲寅明瑞率官兵啟

行明日大雨路江舟少以次待渡而干溝路險仄輜

重壅塞於道弗能行軍士立雨中竟夕十月甲申抵

帕兒

上遣參贊大臣珠魯納來于軍津渡橋梁已為賊人所毀且絕大樹仆之又雨多道壞官軍以是行遲十一月整隊入木邦城留珠魯納守之給兵五千明瑞自統萬二千人由錫箔江進連戰勝賊敗十六柵遂北至象孔糧絕迷道而老官屯額爾登額譚五格所約勦會之師失期不至遂由猛籠引還為賊所邀

三十三年正月木邦夜兵亂參贊珠魯納自刎于軍普洱鎮總兵胡大猷亦沒

二月十二日承恩公明瑞戰死領隊大臣扎豐阿觀音保俱歿于陣

普洱府志稿

卷之二十八

武備志二

戎事五

大學士傅公恆請自督師乃命為經畧阿公里袞及兵部尚書伊犁將軍阿公桂為副將軍副之以刑部尚書舒赫德為參贊大臣進鄂甯總督調明德巡撫雲南用立桂為提督而命名各省厲兵購馬以待

三月昭通鎮佟國英護普洱鎮七十一率兵于蠻紅與

賊接戰賊眾退

孫士毅綏緬紀畧是月戊戌猛勇召工率其弟糯腊及緬賊月布足撻刺

帶緬子三百人

猛勇整欠擺夷三百人由猛勇猛籠遁至九龍江外越二日昭通鎮佟國英護普洱鎮七

十一率兵於蠻紅

接戰礮擊佟國英手掌官兵奮勇陣亡者數人賊眾退至猛混乙已緬賊節蓋率緬子

千一百餘孟良召

散率擺夷四百餘人由大猛養進猛遮土弁刀召鈴仗弩截殺次日亦退至猛混與召

坎等會合已酉出打樂隘退歸孟良

秋七月奉

旨普洱今歲不必進兵駐劄普洱將軍永瑞及總兵官

等加意防守

是冬荆州將軍永瑞成都副都統雅朗阿提督五福率師六千人駐劄普洱防

守嚴密邊以無事

二十四年三月經畧傅恆抵滇四月至永昌偕副將軍

阿桂議勦事宜

七月將軍永瑞提督五福緣事降為三等待衛以本進

忠為提督以雅朗阿為荆州將軍駐普洱

經畧傅恆副將軍阿里衮阿桂自騰越赴戛鳩帥師分

路進勦

普洱府志稿

卷之二十八

武備志二

戎事六

又令將軍雅朗阿統滿洲兵二千普洱總兵喀木齊布

領綠營官兵一千五百駐九龍江

時雅朗阿由普洱駐防九龍江蓋江

外皆緬地前後相連故命駐此以邀拒之

冬十月大軍會合進攻將士奮勇大小十數戰皆捷甫

數旬所歷已二千餘里

十一月己丑緬酋懵駁懼遣日布拉莽儻求罷兵經畧

許之具奏得

旨則以緬地瘴癘軫念士卒

命貫深討於是焚舟鎔巨礮奏

聞以己亥班師甲辰進虎踞關籌議善後事宜而趣伊

勒圖及傳恆先後還京

將軍雅朗阿總兵喀木齊布駐防九龍江整欠賊人召

教景海賊人刀別聞緬國投誠亦赴軍營乞降將軍

申報經畧具奏得

旨命旋師還京普洱邊外悉平

謹按承恩公明瑞經畧傅恆統大兵征緬甸係由永昌府出銅壁關進攻老官屯為前路將軍雅朗阿總兵喀木齊布統兵由普洱進攻九龍江為後路聲援車里西南境外所屬猛籠一帶與緬屬之整欠孟良連界故將征緬軍務在普洱地者撮記於此其事之在永昌者則僅書其目而不贅

三十七年車里宣慰司刀維屏挈家逃出江外總督彰

保至普洱招撫維屏復行投誠遂移宣慰司署駐江

普洱府志稿

卷之二十八

武備志二

戎事七

丙小猛養以兵戍之

時刀維屏復為緬賊所侵力不能禦因至普洱求兵助援總兵

孫爾桂迤南道唐辰衡申飭之羈留不理有違署書吏蔡方揚全總役王英向維屏索賂未遂遠以馬筆笞維屏維屏羞忿逃回九龍江為駐防千總馬廷伍及兵丁二名盤獲維屏餽以重賂乃寢其事維屏子姪刀匾猛等不平遂唆使維屏過江隱匿孫爾桂唐辰衡聞維屏潛逃遂申報至省總督彭保聞報恐起邊釁來普查辦遣人招撫維屏復回普投誠訴其原由總督即將千總馬廷伍書役蔡方揚王英等收禁嚴訊劾參總兵孫爾桂南道唐辰衡籌邊不善奉旨孫爾桂唐辰衡着革職馬廷伍等俱處斬維屏令回車里仍授宣慰司職由是普洱鎮每年派撥弁兵數百名赴九龍江駐防

五十三年總兵朱射斗查明戍卒染瘴身故者甚多

奏請每年冬閒總兵官帶兵親赴江外巡查一次停

止戍守

嘉慶元年二月威遠地牛肩山爲猓匪楊扎那滋擾總兵永甯會同巡撫江蘭提督蘇爾相協帶兵練勦捕楊扎那伏辜事遂平

二年威遠猓匪楊扎杜糾眾四出焚擄總兵永甯會同提督蘇爾相迤南道顏檢迤西道李亨特往統兵練進勦扎杜授首撤師留兵威遠戍守

時總督鄂輝奏參普洱鎮總兵永甯不甚出力護迤南道吳大雅俱革職

莽匪侵小猛崙署總兵哈國祥督兵練堵禦賊遂退去四年緬甯猓匪銅金和尚張輔國滋事總兵書成帶兵練赴威遠防堵後路旋奉總督書麟檄調過江勦賊賊眾投誠乃撤師

普洱府志稿

卷之二十八

武備志二

戎事六

六

七年威遠地復爲猓匪滋擾總兵書成會同巡撫永保提督烏大經在普籌邊是年正月威遠江外黃脚猓黑楊金李伙頭糾眾偷渡猛撒江焚劫三圈等處及威遠屬之猛班猛曼思茅屬之六順各土司地方八年九月巡撫永保同提督烏大經調兵驅逐出邊猛籠土弁刀永和勾通暹羅所屬之曼于臘侵擾車里宣慰司刀太和調集各猛士練追逐出境

永和係刀維屏之嫡長孫乃刀匾猛之子因三十七年匾猛唆使其父維屏逃出江外總督彰保來普查

明即將匾猛帶省禁錮維屏死而嫡孫永和尙幼族人遽以匾猛故絕捏報乃以維屏弟士宛承襲士宛死子太和襲永和長成久懷不平故勾結曼于滋擾車里

十二年十三年猥匪竄入鎮沅州屬之新撫等處滋擾總兵那麟泰調集兵練四路除勦猥匪遂平

十七年暹羅國所屬之曼于臘擾及車里普洱鎮總兵珠勒什迤南道存柱懼以兵威乃退暹羅曼于臘攻奪緬甸大猛養等處置守緬人復奪大猛養暹羅頭目刀麻哈喃敗走三月曼于臘追緬人由邦薩至九

普洱府志稿

卷之二十八

武備志二

戎事

九

龍江緬人敗入江內進居普籐曼于臘一千餘人阻截江口代辦宣慰司刀太康由小猛養亦退守普籐四月緬人由猛定引歸曼于臘以追緬爲名亦進至普籐又以一千餘人營敞攬壩江口遙爲聲援欲搜擒宣慰進攻思茅總兵珠勒什迤南道存柱懼以兵威曼于臘撤退又分營前往猛臘猛彝時南掌頭目撒英率老搃數百人與曼于臘合猛彝猛臘二土弁退保烏得猛烏又叛土弁刀永和率曼于臘數百人至九龍江稱奉暹羅國王之命來做宣慰八月緬甸復攻暹羅在猛彝猛臘之曼于臘二千餘人相率退

走緬人又追刀永和至猛混永和夫敗逃匿緬人召布蘇邀太康過江相見緬目野叭追戛于臘至九龍江回居猛混欲於猛籠等處屯田戛于臘亦駐猛籠彼此相拒十一月有戛于臘數百人往南掌地之猛温呈投緬文邀內地大官相見欲立刀永和爲宣慰之意十七日有緬戛各數百人遇於九龍江外相攻戛夷殺緬夷四人各退十二月緬目麻哈卡土舍遣孟依打母細提二人來言戛夷奪擾猛地係彼奪回欲令宣慰出九龍江將八猛收回意在邀功迤南道等諭以獲罪惟刀永和一人與戛夷無涉內地不能

普洱府志稿

卷之二十八

武備志二

戎事

三

出兵擊戛刀太康亦不能過江相見云云時總督伯麟奏明照會暹羅國王約束所管戛夷毋得犯境二十二年孟良頭目召布蘇擾及車里思茅同知王廷柱單騎斥退土舍刀太康之弟召彝圖佔江外各猛愆戛孟良頭目召布蘇遣目免列亞至九龍江猛遮地索刀太康赴緬進至思茅之大青樹屯劄同知王定柱輕騎滅從自往曉諭召布蘇等并照會緬國四大萬當將召彝斥逐免列亞撤回召彝竄匿

道光二年宣慰司刀繩武與其叔刀太康有隙戛于臘乘閒復擾車里爲緬人敗走之車裡頭目刀太康因

人離閒與伊兄長子宣慰司刀繩武不和是年二月
暹羅所部戛于臘頭目召喇鮓布同南掌目練來至
車里邊界聲言暹羅國王聞刀太康有將南掌地土
投附緬國之事故來講理普洱鎮道飭宣慰集練防
堵并訛刀太康實無其事曉諭南掌無聽謠言戛于
臘不從復脅南掌目練潛入土境經防練驅逐退走
緬界被緬人擊敗而遁刀太康擒獲南掌敗練六人
得宣慰印緬文一張其中具言刀繩武邀約南掌同
害刀太康並欲攻孟艮之語當欲解送思茅審究行至
江邊被緬目召布蘇搶獲遂疑刀繩武實有約南掌

攻緬之事遂遣目練來至打樂值刀繩武查邊與土
弁刀燦星均被誘出邊界劫往孟艮與南掌敗練質
對明白查係奸人召土鼎因挾從前向刀繩武求充
土弁不允之嫌捏造文書播弄三年二月緬王得雲
貴總督照會即申飭孟乃緬目令送刀繩武回江南
掌王亦接總督照會約束頭目不得附戛于臘入邊
滋擾時緬王有事道梗刀繩武復恐刀太康計害未
敢回歸住居涼果園地方其宣慰司印信刀繩武已
攜帶出邊令刀繩武之妻刀刀氏護理土職另給鈴
記四年六月緬甸貢使聶繆莽腊等回國騰越同知

胡啟榮告以內地法度令告知刀繩武嫌疑已釋勿

庸疑慮並告國王派目送出以見向日恭順之忱五

年三月十三日刀繩武自阿瓦國起程由新街一路

進關四月十九日至騰越旋由省回車里管理土務

十三年宣慰司刀繩武與其叔刀太康構釁總督阮元

巡撫伊里布檄迤南道胡啟榮順甯府知府林樹恆

維西協副將錫麟並臨元新甯景蒙元江四營官兵

及刀太康所屬江練二千餘人夾擊之繩武帶印潛

逃因以刀太康子刀正綜為故宣慰刀太和繼嗣承

襲世職刀繩武前於道光五年自緬甸國回至思茅

普洱府志稿 卷之二十八 武備志二 戎事三

康把持繩武欲回九龍江自行辦理為同知成斌及
幕友張海所阻因於十三年十月內詭託出城祭墓
遽往六順駐劄招募練勇謀回江干時太康聞知即
遣江練四出截堵關隘聲言來擒繩武所過地方劫
掠村寨人民驚逃順安江中浮尸數十里迤南道福
敬協同總兵邱鳳岐馳赴思茅招撫繩武一面遣兵
自訴福敬許以代為申詳飭令毋庸構釁一面遣兵
防口并賑濟難民一面飛報赴省時與總督阮元意
見不協邊將福敬撤回省另委順甯府林樹恆及
維西協錫麟並前後委員十數人抵思茅調集元江
新甯景蒙並中右二營官兵屯禦繼而調陞迤南道
胡啟榮協辦啟榮抵普月餘赴思茅繩武來謁諭以
散其練勇仍回城中安住繩武疑慮不從越數日遂
自營不出閣移營遠避啟榮遣人招之繩武益加疑
及繩武不出擁練自保十一月月初六日江練入永靖關
練目黑飛雄棄營潛逃官兵搜捕不知所獲五十餘人
年二月猶未得繩武音信始將前後捕獲五十餘人
撤元江新甯兵四百名解省城定罪並收繩武眷屬
十餘送省問擬總督阮元以繩武自構邊釁帶印潛

逃奏聞因以其妻刀刀氏並五子刀靖臣刀漢臣
即準臣刀楷臣刀孟四即刀熙臣召孟五即刀煥
臣安置昭通又據啟榮請以太康子刀正綜為故宣
慰太和繼嗣援例承襲世職奉部議批准後月頒印
信號緋乃於三月撤師十一月太康身故同知羅登
舉報至啟榮鳳岐遣守備呂飛鵬帶兵二百名前往
九龍江巡防十二月有太康胞兄太安久為緬和尙
其子刀奏勲住居小渡口各土司公議以奏勲意圖
奪襲捏稟集土練乘夜燒其宅殺太安全家男女三
百餘口不留子遺惟太安子奏勲奮力拒敵潰圍逃
出遠颺無耗

二十七年已革宣慰司刀繩武次子刀準臣由安置昭
通逃回謀復世職連年糾眾擾各猛地

二十九年刀準臣糾眾擾車里及各猛宣慰司刀正綜
潛出江外集練以禦格殺刀準臣刀繩武之革宣慰

普洱府志稿

卷之二十八

武備志二

戎事

三

其子五人安置昭通邊人以為過甚刀正綜承襲宣
慰雖繼太和嗣實係太康之子人多不平而正綜兄
弟在南掌負欠數萬金正綜又苛派十三土司遂多
離心六順土司所屬年徵戶各五兩自土司刀緝熙
藉端增至十兩其寄籍漢民有伙頭率眾不服緝熙
即親收愈不服竟并舊徵額數俱抗不納緝熙令中
六順擺夷集眾焚殺上六順由是漢夷不協日圖報
復互相殘殺值刀準臣逃至裸境以廢印感眾各猛
不忘舊主咸欲其赴江治猛于是上六順之人率眾
往投準臣以為吠日緝熙恐被播弄受禍亦即令蠻

蚌營鄉管執贄以投斯時各猛雖有願刀準臣治猛之見尙無投誠之舉作備者緝熙實爲罪首也緝熙既投各猛亦相率以効共謀旋江之策緝熙力任其事因不諧其黨卽聚眾戰爭思茅廳營偵知其事一面集練防禦一面出示曉諭以準臣係遷徙逃犯不能襲職緝熙自知已過卽去逆從正而準臣之黨遂與緝熙爲仇以爲始順終叛將下六順燒殺一空此二十七八年事也其時土司投誠者已多卽集眾擁至車里刀正綜先事得信帶印潛逃擬來普鳴窰于途中被準臣黨截歸本年正月官兵逗遛不及僅截

普洱府志稿

卷之二十八

武備志二

戎事

西

得正綜行李並印信正綜截回江準臣約以合辦車里斯亦掩飾之文實則圈禁正綜宣慰之權悉歸準臣準臣苛虐濫派民不堪命各猛失望日漸離心嗣值準臣娶妻防正綜稍懈正綜卽潛出江外因而猛彝土弁召彝麻翁率各猛格殺準臣準臣既死其黨無所歸仍架詞準臣未死到處流劫屢攻六順時各猛尙未知準臣已死且土司之視宣慰義如君臣稱之曰主不敢與抗皆捲甲以避匪黨因得肆行無忌所過皆糜爛逃亡官雖多方開導土司總不之信且事屬邊外未便動兵乃調江練以攻之詎匪黨迎

敵江練大敗傷其叭日意謂匪黨皆漢人茶山漢人必通情因將茶山牛滾塘一帶擄掠一空而茶山之民謂江練內有普籐猛旺練因以為仇日圖報復其匪黨潛赴蘆山一帶出沒無常官設兵防守

三十年四月刀準臣餘黨李兆祥等糾眾勾結茶山攻普籐猛旺委中營守備毛三元署千總郭顯右營外

委王永壽帶兵防禦眾寡不敵死之署迤南道黃中

位會總兵楊青鶴請調官兵親往勦辦八月蕩平添

設汎卡駐兵戍守

茶山漢夷因江練擾劫日圖報復刀準臣餘黨李兆祥等與之勾結

攻普籐猛旺甚急勢將侵及內地署同知侯晟會營請兵於迤南道黃中位普洱鎮總兵楊青鶴因派守備

普洱府志稿

卷之二十八

武備志二

戎事

三

毛三元署千總郭顯外委王永壽帶兵防禦四月二十五日官兵於金家灣猝與賊遇時值大雨賊眾幾三千餘而官兵僅五百名勢不敵毛三元等力戰死署右營遊擊施化庸署守備蕭榮均潰圍出帶傷而回於是廳營飛報道鎮調中營兵七百名威遠兵三百名景蒙兵五百名右營兵五百名親臨督辦六月初九日派守備陳國樑趙士美帶兵練一千名威遠遊擊張熨署右營遊擊施化庸帶兵練一千名合攻大樹脚大克時總督程喬采調督標兵三百名撫標兵一百名元江新署兵各一百五十名臨元兵四百名帶兵官署鶴麗遊擊施嘉祥都司李廷楷白人百名帶兵官署陳國樑協同進攻大歇廠亦太克七鵬繼至因即派陳國樑協同進攻大歇廠亦太克七八月陳國樑連攻黃草壩石門營均報捷李兆祥被礮轟斃餘匪陣斃三百餘名擒獲首要一百三十餘名內病故戮屍者二十八犯恭請王命正法梟示者五十八犯餘皆發遣撤師酌留兵練防堵設汎卡於倚邦等處戍守先是刀準臣之兄靖臣弟熙臣聞準臣已死希圖回江襲職將其母刀氏出名寫給各猛諭帖囑令勤佐嗣經官兵在匪首身上搜獲至是并將刀靖臣刀熙臣改徙江甯邊外悉平

咸豐二年夏四月他郎廠匪馬開祿等作亂署遊擊魁昌擊敗之他郎廠匪自道光二十九年經總督林則徐懲辦黃應倡等百餘人並移新營營遊擊鎮其地廠地漸就安帖然廠客砂丁半桀驁不馴之徒至是復稱兵作亂大肆焚掠甲午馬開祿等聚逆匪數百撲城至東關外魁昌率兵力擊賊眾不能逞潰去

採訪

咸豐四年九月馬開祿等復亂署遊擊安如嵩領兵擒斬之馬開祿自上年戰敗逸去收合散亡與其黨陳兆等聚眾數百潛圖報復而官民不知也癸巳昧爽

晉江府志稿

卷之二十八

武備志二

戎事

三

逆眾闖入廳城殺掠居民如嵩聞變督同署守備范成章分兵攻擊居民助之陣斬馬開祿陳兆等於市餘匪潰敗逃去

採訪

咸豐五年九月流賊胡亂搗等竄入他郎境署遊擊陳得功帶兵擒斬之亂搗聚眾六七百人由景東花山汎竄入定南里沿途殺掠得功邀擊於大猛連村敗之賊眾退走得功乘夜力追至漁洞村及之麾軍掩殺斬亂搗等百餘級俘四十餘人匪黨潰散事遂平

採訪

咸豐七年春二月威遠土匪馬八一一周士才等糾眾亂

同知胡思端集團捕之先是監生劉開元所蓄鵝踐夷民周士才田苗構釁互鬪回匪馬八二狡而悍者也利其亂煽惑之遂與士才糾集裸匪數百人倡亂擄掠同知胡思端督團往捕不能成擒逆眾散去威遠自此遂多事矣採訪

八月西逆偽將軍王應科陷威遠屬之猛戛土司地猛住汎先是猛班猛戛土練奉調隨征澂江海口猛地空虛土匪乘隙倡亂焚殺擄掠富室受禍尤烈西逆偽將軍王應科率眾攻猛戛猛住土匪潛應之所向弗能禦皆陷於賊採訪

普洱府志稿

卷之二十八

武備志二

戎事

三

九月土匪孫汰泮率眾闖入普洱府城官民擊敗之時威遠漢夷構釁西逆王應科乘間襲破猛住猛戛等處進窺威遠普洱戒嚴署甯洱縣知縣茹承志諭城鄉編聯保甲縣民劉文弼孫汰泮閭俠也各籍之樹黨結盟諸不逞之徒咸附之兩不相下會文弼黨賴發貴竊周姓騾汰泮摻得賊揚言將置文弼發貴於死文弼聚眾戒備乙酉汰泮率黨吳端等千餘人入郡城以尋文弼爲名而其心固叵測也承志諭紳耆調停其事丁亥集諭於縣署汰泮率眾出槍傷把總萬國樑斃范姓者一人把總蕭春秀與官民合力攻

擊殲其黨十餘人俘吳端斬之餘眾潰散

採訪

冬十月孫汰泮率眾撲圍府城官軍擊敗之汰泮敗逃後潛赴威遠投西逆王應科勾結猓黑土匪千餘以報復爲詞丁巳逆眾撲攻城東北隅官軍分路迎擊敗之

採訪

土豪劉文弼率黨掠上里各村初孫汰泮之謀入城也甘心黨惡者固多而上里村愚被誘脅從者亦復不少洎汰泮爲官軍所敗文弼遂藉之焚擄蠻費蠻令等村而尤視上里富民爲魚肉民不能堪有司亦莫能治縣民范自有者黨文弼所爲尤不法商民亦受

普洱府志稿

卷之二十八

武備志二

戎事

五

其害把總萬國樑縣民趙發均不平謀逐殺自有等把總蕭春秀居閒排解之勒令自有等七十餘人退居石膏井事遂寢

採訪

咸豐八年二月署他郎通判周子彬署遊擊馬春芳攻殺游匪孫九林散其眾九林率匪黨千餘掠邦掃等村遊擊馬春芳帶兵擊之賊退紮後山負隅抗拒官兵攻之不下春芳誘之出槍斃九林子彬以渠魁既殲餘匪多脅從者因傳諭解散之

採訪

二月土匪馬八一陷威遠廳城執參將吉爾杭阿署普洱中營遊擊狄椿帶兵赴援失機逸回馬八一自與

周士才倡亂後益勾結回匪誘集夷民至是以大股
撲攻廳城普洱鎮德瑞聞警派中營遊擊狄椿率師
往援椿故庸才而其意不欲戰師至力主撫議賊佯
應之且以助糧請椿開倉輸之壬午賊集眾千餘人
以領糧爲詞城中不之備賊猝斬關入執參將吉爾
杭阿殺居民百餘人椿不能禦乘間逸回城遂陷採訪
八月遊匪李聾子孫有瀧率匪黨竄入他郎南關外署
通判周子彬委團總孫世恆帶練擊卻之賊眾逃去

採訪

咸豐九年春正月整董土把總召承恩聚眾叛據整宛

普洱府志稿

卷之二十八

武備志二

戎事

五

寨署同知謝德瀄討平之先是召承恩緣事禁思茅
監把總葉長瑞與承恩有舊保之出承恩回至普籐
誘集所部遊匪縑子進攻六順焚掠柏枝寺蕨其壩
遂據整宛同知謝德瀄委武職馬標監生楊榛佯與
之和而退其眾陰致函六順土把總戮之於九龍江

遂平

採訪

夏四月遊匪襲踞通關哨守備張炳文帶兵往勦團長
趙發戰敗死之初趙發謀逐殺范自有等遂與遊匪
相仇至是遊匪襲踞通關哨焚擄居民守備張炳文
帶兵往勦發將團練隨發性急恃勇輕進至蕨其壩

猝遇伏敗寡不敵眾遂戰死泊官軍援至賊已遁去
炳文乃招復流民而撤師焉採訪

五月署普洱鎮總兵德瑞署普洱府知府謝德瀆招撫
孫汰泮德瑞德瀆先後履任訪悉汰泮與劉文弼構
釁始末乃推誠布公招撫汰泮等歸業於是汰泮自
威遠回就撫然不敢入城仍率其黨盤踞觀音山其
心叵測也採訪

八月悍弁鄭得安殺前署中營遊擊狄椿及武生姚正
榮得安故鎮標馬兵以隨征貴州苗擢外委充普洱
鎮特克慎巡捕官樹黨營私侮官虐民地方爲之側

普洱府志稿

卷之二十八

武備志二

戎事

三

目特克慎不能制且假之權上年威遠漢夷互鬪椿
奉委偕得安往援積不相能得安久欲得而甘心焉
時汰泮踞觀音山特克慎使得安帶兵往攻得安誣
椿與汰泮謀逆遂譟圍椿寓執殺之正榮亦夙與得
安有隙並誣殺之特克慎及署南道侯晟均不能詰
得安逾驕特克慎不得已稟委得安往護威遠參將
得安終不爲用署鎮沅同知吳德森先後募勇越境
三攻威遠城垂克者再以得安坐視不援迄不果復

採訪參案冊

謹按此條通志作咸豐十一年二月

九月鄭得安率兵攻勦威遠敗績得安欲借勦威遠踞

匪立功專權乃既無謀而又無勇遂以敗績是役也將甯洱縣之豐盈倉常平備貯等穀取濟兵糧比敗績而各倉幾告匱矣失城之禍有以哉採訪

咸豐十年閏三月西逆陷猛戛代理經歷高廷貴死之

西逆蔡發春攻陷緬甯後分兵進攻猛戛經歷高廷貴時糧集團力籌守禦賊犯之輒敗乃以大股圍攻

時鄰邑相繼失守毫無聲援丁巳廷貴率團攻勦大

寨賊壘力戰陣亡其母梁氏率廷貴妻妾並戚屬僕

婢合家十二人同日仰藥殉猛戛遂陷採訪參案册

六月西逆竄踞威遠廳署迤南道侯晟普洱鎮特克慎

普洱府志稿 卷之二十八 武備志二 戎事三

遣兵勦之威遠廳城先經馬八二勾結王應科撲陷

引西逆竄入合踞之西逆初踞景東猛統署景東遊

擊錢體元鎮沅同知吳德森屢擊敗之賊遂竄入威

遠廳合土匪而踞其城並分擾猛班猛住一帶土弁

周晃等逃入茶山特克慎等遣參將蕭榮都司陳世

平把總師綸瞿宗等馳往勦之案册

秋七月署威遠參將蕭榮代理鎮沅同知李克猷等敗

西逆於猛住猛臘進攻廳城案册

冬十月署他郎通判曾承基派團總軍功孫世恆等率

團破遊匪李聳子孫大舐槽馬玉明於城南初李聳

子等爲世恆所敗奔元江勾結回匪馬玉明復聚黨入犯廳境踞坤永村遊擊馬春芳與世恆合兵攻勦敗之賊退紮巴地冲焚擄附近村聚進逼廳城通判曾承基派軍功李應春李應元帶團夾擊屢戰俱捷殲匪甚多槍斃馬玉明於陣賊遂驚潰李聶子等敗走里仙江世恆令軍功王汝欽擒斬之並斬其黨四十餘人事遂平

採訪

十二月署迤南道侯晟普洱總兵特克慎飭威遠同知李克猷鎮沅同知吳德森會勦威遠廳西逆竄踞威遠三猛久益蔓延克猷及護參將鄭得安各帶兵勇

普洱府志稿

卷之二十八

武備志二

戎事

三

破賊於天生營先後攻克猛烈刀家寨蠻岡等處逆壘而廳城迄不能克晟特克慎遣經歷陳廷昌等率壇練往助復飭德森帶練由抱母進猛統巡檢王錫綸景東團紳劉春道帶練由景谷進三路夾攻又會札思茅廳營酌派漢土兵練迅復三猛王戍廷昌等至軍偕克猷得安連日出戰獲勝攻克偏山賊營進窺廳城賊閉城不出德森以己已抵新撫催調各團赴營錫綸春道以丁卯紮營景谷共圖克復

案册按迤南

各團多設壇講故有壇練之名

聖諭

咸豐十一年秋七月西逆陷猛班自威遠猛住陷後賊

不時分兵攻猛班土司地代辦周丕武內籌防守外
乞救援卒以賊勢過眾遂致不守丕武一土舍也頗
明大義亦稍諳兵略猛班陷後丕武逃往車里嗣復
屢請援師力圖恢復至於積勞而歿其志亦可哀已

採訪

八月署鎮沅同知吳德森攻威遠不克甲戌德森率經
歷陳廷昌團紳劉春道以團勇數千復往勦威遠踞
逆與賊鏖戰至七日之久大敗之疊破蠻緬河灣堅
壘二十餘座斬賊目偽馬副帥偽羅將軍等斃賊千
數百名乘勝環攻廳城會順雲援賊大至廷昌春道

普洱府志稿

卷之二十八

武備志二

戎事

三

分路邀擊於弔鐘坡失利陣亡德森親督練接戰敗
援賊於城下正相持間聞新委鎮沅同知劉潤華來
代德森遂撤師回鎮沅

案册

十二月鎮沅夷匪田四濫犯他郎境軍功孫世恆集團
練攻勦敗之四濫本鎮沅卡情種素亡賴時西南一
帶逆氛大熾四濫暗通杜汶秀受偽撫夷將軍職乃
誘集夷眾數千屠毒漢民泊鎮沅失陷四濫遂率匪
犯定南里分擾善政里之九甲五海地方世恆集團
練攻勦敗之

採訪

同治元年五月田四濫襲踞通關哨迤南道吳德清遣

李錦文攻克之四濫結通關夷匪羅篋匠煽惑夷眾
襲踞通關哨報至德清籌所以禦之者而難其人練
日李錦文故磨黑井竈戶素有膽略知兵善戰德清
招致之諭以勦賊錦文遂集練往勦寅夜潛師突入
重圍力擊之斃賊甚多克復哨地是役也錦文爲賊
槍傷左胯猶復裹創力戰卒以克敵事竣論功德清
即代錦文納貲爲遊擊請諸大府委署他郎遊擊焉

採訪

秋七月把總蕭春秀帶兵進勦田四濫敗績死之自四
濫叛投杜逆分兵四擾鎮沅新撫一帶皆失守春秀

普洱府志稿

卷之二十八

武備志二

戎事

三

奉委帶兵進勦適僞都督蔡三攻陷景東即率大股
南竄春秀恃勇輕進遇賊於梅子箐大戰力竭死之
所部傷亡過半

採訪

冬十月僞將軍王應科僞都督蔡三分兵撲圍府城守
備張炳文中礮死之王應科久踞威遠蔡三攻陷景
東遂相約撲攻普洱應科取道乾田一帶趨城北隅
蔡三取道磨波磨黑一帶趨城東北隅聲勢汹汹號
十五萬眾旬日之間鄉村盡失庚寅賊合兵圍城前
署守備張炳文出戰於北關外中礮死之普洱鎮特
克慎亦中槍退回甲午我軍所紮之觀音山鐘鼓樓

營壘亦被攻破迤南道吳德清與特克慎飛調李錦文帶兵來援並派署守備王起辦理城防事宜起布置有緒民心稍安戊戌癸卯賊屢用地雷轟陷城南東北東南等處各二十餘丈蔡逆率眾自東南人中槍斃之乘勢掩殺殲匪甚多賊少卻乃補葺缺口加以土垣蔡逆既死賊頗驚惶而城中未設閒謀不悉敵情祇繕備城守爲自固計斯時若得善戰者力擊之未嘗不可以轉危爲安也

採訪

西逆撲圍思茅廳城時普洱府城已被賊圍攻十有餘日賊首僞都督蔡三遣賊目李四馬四等率賊眾數

普洱府志稿

卷之二十八

武備志二

戎事

三

萬直趨思茅勢甚披猖附郭村聚壘被攻破遂逼廳城樵蘇俱絕文報不通六順土練不戰而退賊勢愈大矣

採訪

十一月西逆楊得明率大股來圍攻府城蔡三被殲信至大理杜逆復遣僞大司馬楊得明率眾來犯丙辰賊眾悉至營於那整較場一帶復圍城數日掘地道轟陷城東南東北各四十餘丈皆隨時補葺完固又爲柴龍草龍以燔敵樓爲土龍以填壕晝夜環攻官軍傷亡日眾勢甚岌岌李錦文率他郎廠練與各井團勇十三猛士勇合軍萬餘人來援轉戰至距城十

五里之南温箐特克慎吳德清亦飭王起出攻賊壘
遙與援軍相應未幾錦文爲賊所襲全軍潰散僅以
身免至是外援絕望而事不可爲矣

案册參
採訪

十二月西逆陷府城鹽大使陳先瑾死之迺南道吳德
清總兵特克慎署知府會紹理署甯洱縣知縣温培
義等奔元江州署威遠參將鄭得安遊擊呂飛鵬守
備王起並從逆西逆圍城日久糧盡援絕賊兵厚集
如毛又築爲高臺於鳳凰山瞰臨城中以飛礮俯擊
之叛弁楊占鼇前安甯汎降賊者也夙與王起交善
是月甲午單騎呼於城下云欲見鎮道面議軍事適

普洱府志稿

卷之二十八

武備志二

戎事三

起巡城緹占鼇上占鼇說起速議與賊連合以免屠
城起竊占鼇於署急白德清次日德清特克慎偕紹
理培義飛鵬集文武官紳會議王起力言彼眾我寡
今援絕糧盡非議和不可且省城尙與彼教講和况
外郡乎官紳相顧莫敢直斥其非先瑾獨曰不然迺
東南之回未嘗蓄髮易衣冠也未嘗稱號設僞職也
一經解和轉爲我用故省城可辦撫局西逆則不惟
僭稱帥且僭更制度矣若與之和是即降之別名也
今城已垂危彼豈肯議和而退特恐我軍無生望將
人人効死彼縱能克精銳必多損傷誘我以和殆欲

懈軍心而襲我也起奮然攘臂曰今不速和直束手待斃耳縱各官不顧身家豈百姓不惜生命儻激而生變玉石俱焚後悔何及請從占鼇言求和我受其咎議不能決而罷庚寅德清令城紳艾芳馨廩生朱元和到演武廳與楊德明議和德明威脅逼降芳馨力辯千餘言與元和不屈而歸泊丙申南門守練大譁執把總陳永年以獻賊營賊使叛練招降德清見勢迫不得已商諸特克慎允起議和令起相機妥辦起使千總王從善從占鼇往賊營議和丁酉從善歸述賊酋楊得明約鎮道府縣詰朝會商定議戊戌德

普洱府志稿

卷之二十八

武備志二

戎事三

清特克慎紹珵培義商留得安飛鵬守城而四人同出與賊商議甫離城里許礮聲震天賊分路伏兵襲城德清特克慎紹珵培義不知爲計皆奔元江州府城遂陷署威遠參將鄭得安與呂飛鵬王起同日降賊得安當授僞職嗣以貪酷爲賊囚死先是先瑾在寓聞城破從容易公服和藥將飲僞軍師尹建中突至勸之降曰納貲小吏姓名知邊部否又無守土之責何苦捐生先瑾曰吾納貲小吏猶知大義汝冠乙科乃不識一忠字讀書何爲人各有志勿庸以不入耳之言相勸也建忠負慚而去先瑾北向拜畢仰藥

死之妾徐氏抱一幼女投井以殉外委胡國賓用烏槍自擊死妻子仰藥殉府書吏李漢選自刎官紳婦女殉難者二百餘人

案册參採訪

西逆陷思茅廳城署同知徐自森署巡檢周景升署千總魏陞死之賊初圍思茅自森等遣守備蕭潤星馳徵各猛士練入援賊以火藥轟破城垣六處皆賴陞力戰卻之會土兵相繼敗潰外援遂斷又聞普洱失守是月甲辰廳城亦陷自森與妻宋氏公服相對各仰藥死景升巷戰陣亡陞率子芝雄奮力殺賊力竭皆死妻朱氏率媳蘇氏饒氏樂氏孫官保閉戶自盡

普洱府志稿 卷之二十八 武備志二 戎事 三

一門殉焉 案册 按捕役魏陞通志作魏逢陞

同治二年春正月西逆陷他郎廳城護迤西道夏家疇普洱鎮田仲興統軍來援復之普洱府城既陷於賊賊分遣偽將軍馬鼎新楊禿手等率黨匪二千以議和為辭進圖他郎已已逆眾入踞廳城署通判胡紹曾軍功孫世恆聞家疇仲興援兵將至因陽許之陰告急於家疇仲興行營請兵來援二月癸卯援兵至世恆及軍功李應元李應春李聰等內外合力戰於北關外應春奪北門入應元等轉戰至東城我軍之在城者遂開東門放援兵入署遊擊李錦文軍功李

懷等亦踰南城入軍功舒世泰楊履瀛與世恆應元等合兵寅夜巷戰陣斬逆酋馬鼎新斃賊六百餘名餘匪敗逃遂復廳城採訪

三月署普洱總兵田仲興破西逆於通關遣遊擊李錦文攻猛先克之案册

賊分兵焚擄陷各猛地府城既陷賊分兵四出整董猛烏倚邦易武五茶山一帶地方疊被攻陷大肆焚擄淫殺所過之地盡成邱墟鄉民幾無噍類矣採訪

秋七月護南道夏家疇普洱總兵田仲興率師進復普洱不果還駐他郎仲興家疇既復他郎即率師分兩

普洱府志稿

卷之二十八

武備志二

戎事

完

路進徇普洱家疇由龍塘取道進猛先仲興由通關取道進磨黑賊踞磨黑井迎戰相持四月餘勇日李金科龔小甲等均戰歿適陰雨連綿布固把邊兩江水漲道阻糧乏瘴癘大作兵多死亡家疇等仍還紮

他郎

採訪

同治三年春正月參將劉鴻文知縣尉遲品玉等克復威遠廳上年官軍攻克鎮沅新撫司地威遠踞逆復糾黨來爭相持而月卒破走之鴻文品玉等乘勝進取威遠直逼城下本年正月甲寅順雲逆黨來援乙卯丙辰鴻文品玉大破援賊於蠻緬夷賊二十餘壘

復率兵環城輪攻己未鴻文品玉督弁由城東南隅
樹梯而登賊眾奔潰殲偽將軍都督等十餘名遂復
廳城並分兵攻克猛戛土司地

案冊參採訪

二月護南道夏家疇遣將李錦文復磨黑井官軍進規
普洱爲磨黑踞逆所阻迄不能克家疇飭錦文率師
進勦賊目釧炳先朱正典反正擒偽將軍馬五巒割
之遂收復磨黑井

採訪

思茅賊目段錫正等殺其酋偽將軍馬四以城降馬四
踞思年餘殺戮甚慘遇下又復苛虐其黨段錫正陳
毛牛劉七狽腊等陰懷疑懼遂計殺馬四以城降於

普洱府志稿

卷之二十八

武備志二

戎事四

署普洱鎮田仲興署迤南道夏家疇因合兵圍普洱
以圖恢復

採訪

三月車里宣慰司刀正宗率土練來援被刺死之正宗
聞官軍圍攻普洱踞逆無功乃調各猛土練來援行
至麻栗坪爲回逆馬標設伏刺死所部夷眾裹屍歸
葬馬標者故威遠回民王應科陷廳城標走車里正
宗不知其奸用爲腹心是役也標與之俱恐正宗助
勦成功故設伏刺之

採訪

秋七月護南道夏家疇署總兵田仲興圍攻普洱踞逆
敗績思茅廳仍陷於賊仲興家疇率署他郎通判王

德誥遊擊李錦文進征普洱踞逆二月克磨黑并收復思茅廳城仲興家疇因合兵圍攻普洱自夏阻秋師久無功部將多嫉忌不和重以陰雨連綿糧運阻絕降賊內叛西逆大舉來援遂以潰敗時思茅陳毛牛雖殺馬四反正與段錫正爭功仍懷異志乘仲興敗走潛引偽將軍楊錫夤夜襲入廳城復陷都司姜如珠職員李雲峰等死之仲興家疇錦文等率敗兵仍還他郎

案册參採訪

八月署普洱總兵田仲興敗普洱踞逆於通關

案册

九月西逆復陷威遠廳城時劉鴻文軍潰於緬甯景蒙

普洱府志稿

卷之二十八

武備志二

戎事

望

營遊擊車愷同知尉遲品玉亦轉戰失利賊遂進攻

威遠廳城復陷

案册

十一月護南道夏家疇署普洱總兵田仲興遊擊李錦

文尹世洪疊克猛住猛班猛戛各土城進兵規取威

遠廳

案册

同治四年二月護迤南道夏家疇署普洱總兵田仲興等進兵普洱家疇仲興率知府鍾念祖同知王德誥遊擊李錦文守備李安邦等由他郎進兵分攻普洱思茅以圖克復兩城又遣千總趙有福王耀等先後破賊於通關猛野焚逆壘數十又疊克三科庄黃草

壩各隘軍聲頗振

案册

護迤南道夏家疇知府鍾念祖克復思茅廳家疇與署總兵田仲興分道規取普洱思茅兩城家疇率念祖由猛野繞道先後攻破濂溪寺后家營燕家營大佛寺各堅壘進薄廳城丁亥家疇等攻入南門斬偽將軍馬得懷擒偽將軍楊武平偽李參軍等解省殲其逆目遣散脅從遂復廳城

採訪

署總兵田仲興復普洱府是年正月普洱踞逆楊得明還大理杜汶秀遣偽翼長李玉樹來代時仲興率同知王德誥遊擊李錦文由通關磨黑進兵規復普洱

普洱府志稿

卷之二十八

武備志二

戎事

壘

屢戰皆捷遂偪府城賊乏糧勢日危二月乙酉仲興督軍攻城賊窮感開門逆戰我軍奪門而入斬偽大都督蔡泗降偽翼長李玉樹玉樹本浪穹諸生從賊者至是率所部謁仲興請降仲興許之斃賊千餘俘二百有奇遂收復府城

勞榮光疏參採訪

八月署他郎通判王德誥勦元江夷匪於大梁子失利千總李存誠練總李有福陣亡

案册

十二月元江夷匪王波委竄擾他郎署通判王德誥率兵攻之不克軍功李應春張士駿死之波委本元江補孔夷其俗素强悍以劫擄爲生本年八月聚眾倡

亂至是竄擾猛里蚌海等村勢甚猖獗署通判王德誥署遊擊孫世恆各帶兵練分道擊之甲寅德誥爲賊敗於黑樹林僅以身免軍功李應春陣亡張士駿亦失利於益足河力竭戰死世恆聞變由因遠回救亦屢戰敗績爲賊所困糧道不通軍士至殺馬而食勢甚危急世恆弟世泰帶兵往援圍乃解然精銳士卒亦傷亡略盡矣

同治五年春正月遊擊李錦文破西逆於猛戛把總李祥毛交煥陣亡進攻威遠廳不克

案册

三月署普洱總兵李錦文敗威遠踞逆於猛住

案册

普洱府志稿

卷之二十八

武備志二

戎事

三

五月遊擊孫世恆計斬元江夷匪王波委平之世恆既爲波委所敗乃收合散亡復舉兵進勦潛購匪黨刺殺波委乘機搗其巢穴殲賊無算事遂平

採訪

同治六年秋七月護普洱總兵李錦文攻威遠敗績

案册

同治七年三月思茅散練作亂戕護普洱總兵李錦文

署迤南道張同壽同知彭洪輔討平之錦文富甲一方由練日帶廠練從軍積功至遊擊護普洱鎮然性貪而吝馭兵寡恩部下多怨時駐節思茅廳以饜缺裁遣舊部練匪楊紫泉楊樹周燕芸祥段希林方茂長刀世禧周尙里張映榮董布蘇必中李杏洋方必

興楊瀨得王丕相楊岐山王登高智黃得勝等皆錦文已裁之親兵素爲護衛者也陰糾遊匪數十共謀作亂以是月朔四更突入錦文公寓殺錦文及其眷屬並殺署守備高國祥千總楊汝達及弁兵十餘人盡劫其貲囊軍裝而去洪輔督團緝捕以次獲紫泉等六名同壽聞報馳往查辦續獲兇犯五名訊明正法思茅遂平

案册

同治八年五月署遊擊孫世恆署守備李應元攻勦田四濫四濫自通杜汶秀受僞職屢寇廳屬西南一帶居民頗遭其害及汶秀勢衰四濫無所助援猶復踞

普洱府志稿

卷之二十八

武備志二

戎事

器

紫紅石巖過朵河等處巖穴中儲糧爲負嶠計其地皆劉巖峭壁路甚險峻世恆應元等迭次進攻賊堅守不出乙酉世恆督軍孫升而上賊眾驚潰多墜巖死遂擒四濫斬之他郎境內一律肅清

採訪

九月巡撫岑毓英飭署普洱府知府許繼衡等進兵取威遠廳自李錦文死其部將一時潰散署迤南道張同壽署知府許繼衡選集勁練嚴防要隘分派弁員以次削平通關猛野磨黑各股土匪思茅境內遂平復遣護參將李雲遊擊孫世恆等帶兵勇窺取威遠廳攻克蠻哨各壘與賊鏖戰屢月互有勝負至是毓

英籌勦西路逆回飭繼衡等於九月霜降後率師會
勦案
冊

同治九年春正月署普洱府知府許繼衡署威遠參將
李雲等攻克威遠廳上年秋繼衡與雲並遊擊孫世
恆等窺取威遠廳巡撫岑毓英復遣代理總兵釗炳
先署遊擊陶升庭署同知屈紹培土弁刀體元率兵
會勦雲自備糧餉募勇五千人合兵屢戰皆捷遂偪
城下十月乙卯攻破東西兩門外逆壘毀礮樓十餘
斷賊糧路己未敗賊外援擒斬偽將軍馬七偽先鋒
馬酣貳等多名十一月以次克南北兩門外營礮漸

普洱府志稿 卷之二十八 武備志二 戎事 壘

合城圍十二月兩治地道攻城皆爲城賊死拒迄未
能下是月別掘兩隧深入城根賊勢迫連日撲我軍
各營均被擊退辛未炳先雲等各督兵練猛攻冒矢
石梯登東北兩城立奪城樓西南地雷復發龍山伏
兵亦起繼衡世恆等督弁兵拋擲火彈延燒城內民
房乘勢從缺口衝入逆酋馬標率賊巷戰受重傷竄
陣斬偽都督趙燦等大小逆目數十人餘匪逃入參
將署爲我軍圍殺殆盡遂復威遠廳城普洱一律肅

清案
冊

光緒十二年五月他郎木戛土匪陳定邦聚眾亂署通

判張舒翰集團禦卻之定邦上年占據越南猛萊州
地方至是糾匪竄擾木夏等寨舒翰調團往勦敗之
於元江屬之六能村七月戊辰復追擊於莪馬村斃
匪黨十餘名我軍團紳鄧炳焜亦力戰陣亡陳定邦
逃往越南案册

冬十月陳定邦復回木夏官軍攻之不利定邦前被官
軍擊敗逃往越南復糾集匪黨寇擾匹馬河壩丟渡
桃樹坪等村各處團勇練軍先後潰敗練目李大張
得林亦戰敗死之案册參採訪

十二月參將梁士偉等攻勦陳定邦敗之士偉奉派率
普洱府志稿卷之二十八 武備志二 戎事 巽

同守備馬成龍團總孫世泰等督兵進勦破賊於猛
烈村定邦遁走柏木山擒獲偽先鋒馬利拉陣斬從
賊三十餘名奪其旗幟器械無算戊戌庚子馬成龍
攻克馬鞍山梁士偉攻克老蘇寨木夏舊城孫世泰
攻克紐薩渡猓枝山哈吧梁子等處陣斬賊目張普
黑及從賊三十餘名癸卯丙午馬成龍克復老謝寨
梁士偉孫世泰克復木夏八寶樹等處斬賊目及從
賊十三名該匪四散逃走我軍連日追捕擒俘無算

案册參採訪

十四年春正月官軍追勦陳定邦擒斬之我軍既復各

壘乘勝攻擊斬賊目白里福一名擒獲賊母陳楊氏
白亮彩等男女四十一名陳定邦率黨逃入處糯箐
併力死守我軍招降匪黨楊發昌飭其潛解脅從擒
獻首逆乙丑賊營自相攻殺我軍乘機進擊擒獲陳
定邦斬之斃匪甚夥餘眾潰散事遂平

岑毓英疏
參採訪